



Broj: 01-02-1-338/25
Datum: 03.02.2026.g.

Na osnovu člana 17. stav 1. tačka 3. Statuta Općine Travnik („Prečišćeni tekst Službene novine Općine Travnik“, broj 11/05) i Programa utroška sredstava iz Budžeta Općine Travnik sa budžetske stavke „Sufinansiranje vrhunskog sporta“, „Poticaj izdavaštvu“ te „Sufinansiranje kulturno umjetničkih društava i muzičkih društava“ u 2026. godini, načelnik Općine Travnik, u p u ć u j e

JAVNI POZIV

za dostavljanje prijava po osnovu Programa utroška sredstava iz Budžeta Općine Travnik „Sufinansiranje vrhunskog sporta“, „Poticaj izdavaštvu“ te „Sufinansiranje kulturno umjetničkih društava (odlazak na smotre folklore ili organizacije istih) i muzičkih društava sa područja općine Travnik u 2026. godini

Općina Travnik oglašava Javni poziv za dostavljanje prijava za sufinansiranje vrhunskog sporta, poticaj izdavaštvu i kulturno umjetničkih društava (odlazak na smotre folklore ili organizacije istih) i muzičkih društava iz Budžeta Općine Travnik za 2026. godinu.

1. SUFINANSIRANJE VRHUNSKOG SPORTA

Sredstva će se odobravati sportistima i sportskim ekipama, kao i sportistima i sportstima ekipama sa invaliditetom, sa područja općine Travnik, te će se realizovati do kraja 2026. godine ili do utroška sredstava sa ove budžetske stavke.

Sredstva za sufinansiranje vrhunskog sporta u 2026. godini iznose 30.000,00 KM.

Raspoloživa sredstva utrošit će se za sufinansiranje troškova odlaska sportista i sportskih ekipa na državna i međunarodna takmičenja u sljedećim iznosima:

- do 500,00 KM za odlazak na državno prvenstvo
- do 1.000,00 KM za odlazak na balkansko prvenstvo (zemlje regiona: Hrvatska, Albanija, Kosovo, Crna Gora, Sjeverna Makedonija, Slovenija i Srbija)
- do 1.500,00 KM za odlazak na europsko prvenstvo
- do 2.000,00 KM za odlazak na svjetsko prvenstvo;
- do 3.000,00 KM za odlazak na Olimpijske igre i Paraolimpijske igre

Za individualne osvajače medalja na Europskom i Svjetskom prvenstvu, te na Olimpijskim igrama:

- 1.000,00 KM za zlatnu medalju
- 700,00 KM za srebrenu medalju
- 500,00 KM za bronzanu medalju

Sredstva se odnose isključivo za odlazak na DRŽAVNO, BALKANSKO, EUROPSKO ILI SVJETSKO PRVENSTVO, ODNOSNO OLIMPIJSKE IGRE, a ne dodjeljuju se za održavanje domaćih i međunarodnih takmičenja koji nemaju karakter prvenstva, ligaških takmičenja (osim svjetske lige), odnosno turnira ili KUP takmičenja.

Pravo učešća u Javnom pozivu imaju sportisti i sportske ekipe sa područja Općine Travnik koje su članice Sportskog saveza Općine Travnik.

Za sportiste pojedince zahtjev podnosi isključivo sportska ekipa čiji je član.

Sportisti ili sportske ekipe, koje su dobile sredstva od Općine Travnik za prethodnu 2025.godinu, po bilo kom osnovu, a nisu nadležnoj službi dostavili izvještaj o utrošku dobivenih sredstava, nemaju pravo učešća u ovom programu.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- Zahtjev po javnom pozivu
- Rješenje o registraciji sportske ekipe
- Potvrda Sportskog saveza općine Travnik da je ekipa član Saveza
- Plan državnog ili međunarodnog prvenstva, sa jasnim dokazom učešća sportiste ili ekipe aplikanta
- Ovjerenu izjavu da će se nakon završetka takmičenja sportista, odnosno sportska ekipa podnijeti detaljan izvještaj sa održanog takmičenja uz dostavljanje finansijskih troškova
- Kopija transakcijskog računa

2. POTICAJ IZDAVAŠTVU

Pravo učešća na Javnom pozivu imaju autori sa stalnim prebivalištem na području Općine Travnik.

Sredstva za poticaj izdavaštvu u 2026.godini iznose 8.000,00 KM.

Raspoloživa sredstva će se koristiti za sufinansiranje troškova izdavačkih projekata prema sljedećim kategorijama:

- Do 4.000,00 KM za štampanje knjiga domaćih autora
- Do 2.000,00 KM za podršku digitalnim izdanjima
- Do 2.000,00 KM za organizaciju književnih događaja i promocija

Program će biti realizovan tokom godine do utroška predviđenog iznosa od 8.000,00 KM, a najkasnije do 31.12.2026.godine.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- Zahtjev po Javnom pozivu
- Izjava o autorskim pravima
- Detaljan opis izdavačkog projekta, uključujući plan promocije i distribucije
- Finansijski plan i troškovnik projekta
- Kontakt podaci i broj žiro računa za isplatu sredstava
- Ovjerenu izjavu da će se nakon završetka projekta, podnijeti detaljan izvještaj uz dostavljanje finansijskih troškova
- Kopija transakcijskog računa

3 SUFINANSIRANJE KULTURNO UMJETNIČKIH DRUŠTAVA (odlazak na smotre folklore i organizacije istih), I MUZIČKIH DRUŠTAVA

Pravo učešća na Javnom pozivu imaju kulturno umjetnička društva i muzička društva sa područja općine Travnik.

Sredstva za sufinansiranje odlaska na manifestacije kulturno umjetničkih društava, muzičkih društava u 2026.godini iznose 8.000,00 KM.

Za pojedinačne članove folklornih grupa i muzičkih društava, prijavu podnosi isključivo voditelj ili predstavnik folklornog društva, odnosno muzičkog društva.

Kulturno umjetnička društva koja su već koristila sredstva Općine Travnik u prethodnoj 2025.godini, a nisu dostavili izvještaj o utrošku sredstava, nemaju pravo sudjelovanja u ovom programu.

Raspoloživa sredstva će se koristiti za sufinansiranje troškova odlaska folklornih grupa na smotre folklore i organizaciju istih, te muzičkih društava i to :

- do 200,00 KM za učešće na lokalnim manifestacijama unutar općine Travnik
- do 500,00 KM za učešće na manifestacijama unutar Srednjobosanskog kantona
- do 1.000,00 KM za učešće na manifestacijama unutar Bosne i Hercegovine, izvan Srednjobosanskog kantona
- do 2.000,00 KM za putovanje i učešće na međunarodnim manifestacijama
- do 1.000,00 KM za organizaciju smotri folklore
- do 1.000,00 KM za odlaske muzičkih društava na festival i organizaciju istih

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- Zahtjev po javnom pozivu
- Plan učešća na manifestacijama
- Ovjerenu izjavu da će nakon povratka ili organizacije manifestacije dostaviti detaljan izvještaj uz dostavljanje finansijskih troškova
- Kopija transakcijskog računa

Prijave sa dokumentacijom se predaju na Protokol Općine Travnik u zatvorenoj koverti, na adresu Općina Travnik, " Služba za razvoj, privredu i vanprivredu ", sa naznakom „ Prijava na javni poziv po osnovu Programa utroška sredstava iz Budžeta Općine Travnik „Sufinansiranje vrhunskog sporta“, "Poticaj izdavaštvu", te "Sufinansiranje kulturno umjetničkih društava i muzičkih društava" u 2026.godini.

Prijave na javni poziv mogu se podnositi do 25-og u tekućem mjesecu, a Komisija za odabir korisnika, imenovana od strane načelnika Općine, će pristigle zahtjeve razmotriti do kraja mjeseca i rezultate objaviti najkasnije do 5-og narednog mjeseca, na web stranici Općine Travnik.

Nepotpune i neblagovremene prijave neće se uzimati u razmatranje.

Isplata poticajnih sredstava će se vršiti putem transakcijskih računa korisnika otvorenih kod poslovnih banaka.



N A Č E L N I K

Dr. sci. Kenan Dautović